

BNGH SEMESTER - II

ছন্দ কাকে বলব ?

'ছন্দ' হল শ্রুতিমধুর শব্দের শিল্পময় বিন্যাস, যা কানে জাগায় ধ্বনি ও সুসমা চিত্তে জাগায় রস। পদ্য রচনার বিশেষ রীতি। তা কাবের প্রধান বাহন। গদ্যেও ছন্দ থাকতে পারে, তবে পদ্যেই তার সুস্পষ্ট প্রকাশ। ছন্দ তাই 'শিল্পিত বাক্যরীতি'। ছন্দোবদ্ধ কাব্য সবারই পড়তে ভাল লাগে। যেমন-

" হা-ট্টমা টিম টিম,
তারা মাঠে পাড়ে ডিম,
তাদের খাড়া দুটো শিং,
তারা হা-ট্টমা টিম টিম। "

এখানে ছন্দের দোলা সব পাঠক মনকে দুলিয়ে দেয়। সূত্রাং ছন্দে থাকবে-

- ১। শ্রুতিমধুর শব্দ।
- ২। শব্দ সাজানোর কৌশল।
- ৩। চিত্তে জাগাবে রস।
- ৪। কানে জাগবে ধ্বনি কল্লোল।

ছন্দ শিখতে গেলে আগে কয়েকটি জিনিস আমাদের বুঝে নিতে হবে-

➤ দল

দল বলতে বোঝায় বাগ যন্ত্রের সবচেয়ে কম চেষ্টায় উচ্চারিত ধ্বনি সমষ্টি।

দল দুই প্রকার

- ১। মুক্ত দল
- ২। রব্বদল

মুক্ত দল: অক্ষর উচ্চারণের সময় নিঃশ্বাসের গতিপথ মুক্ত হলে মুক্ত দল।

যেমন- মমতা

ম- ম- তা

ম+অ

ম+অ

ত+আ

রুদ্ধ দল: অক্ষর উচ্চারণের সময় নিঃশ্বাসের গতিপথ রুদ্ধ হলে রুদ্ধ দল।

বেমন- যৌবন

যৌ - বন

যো+উ

ব+অ

ন

মাত্রা বা কলা

মাত্রা বা কলা: একটি অক্ষর উচ্চারণ করতে যে সময় লাগে সেই সময় কে বলা হয় মাত্রা বা কলা।

বেমন- আমি

বেমন এই 'আমি' উচ্চারণে যেটুকু সময় লাগছে তাই হল মাত্রা বা কলা।

ছেদ ও যতি

ছেদ ও যতি: বাক্যের আংশিক অর্থ প্রকাশ এর জন্য ধ্বনি প্রবাহে যে উচ্চারণ বিরতি ঘটে তাকে ছেদ ও যতি বলে।

বেমন - তুমি সেখানে যেওনা, গেলে ক্ষতি হবে।

এখানে (,) টা ছেদ ও যতি।

বাংলা ছন্দের প্রকারভেদ

বাংলা কবিতার ছন্দ মূলত ৩ প্রকার- ১। স্বরবৃত্ত, ২। মাত্রাবৃত্ত ও ৩। অক্ষরবৃত্ত। তবে আধুনিক কবিতায় গদ্যছন্দের প্রাধান্যও দেখা যায়।

স্বরবৃত্ত ছন্দ : সহজ কথায় যে ছন্দকে তাল ও লয় সহযোগে পড়া যায় , সেই সকল ছন্দকে স্বরবৃত্ত ছন্দ বলে। ছড়ায় বহুল ব্যবহৃত হয় বলে, এই ছন্দকে ছড়ার ছন্দও বলা হয়।

বৈশিষ্ট্যঃ

- u মূল পর্ব সবসময় ৪ মাত্রার হয়।
- u প্রতি পর্বের প্রথম অক্ষরে স্বাসাঘাত পড়ে।
- u সব দল ১ মাত্রা হয়ে থাকে।
- u ক্রত লয় থাকে, মানে কবিতা আবৃত্তি করার সময় ক্রত পড়া হয়।

উদাহরণ-

বাঁশ বা-গা-নের | মা-খার উ-পর | চাঁদ উ-ঠে-ছে | ওই || (৪+৪+৪+১)

মা-গো আ-মার | শো-লোক ব-লা | কাজ-লা নি-দি | কই || (৪+৪+৪+১)

মাত্রাবৃত্ত হ্রস্ব :

বৈশিষ্ট্যঃ

- u মূল পর্ব ৪,৫,৬ বা ৭ মাত্রার হয়
- u অক্ষরের শেষে স্বরধ্বনি থাকলে ১ মাত্রা গুনতে হয় ; আর অক্ষরের শেষে ব্যঞ্জনধ্বনি থাকলে (য থাকলেও) ২ মাত্রা গুনতে হয়; য থাকলে, যেমন- হয়, কয়; য-কে বলা যায় semi-vowel, পুরো স্বরধ্বনি নয়, তাই এটি অক্ষরের শেষে থাকলে মাত্রা ২ হয়
- u কবিতা আবৃত্তির গতি স্বরবৃত্ত হ্রস্বের চেয়ে ধীর, কিন্তু অক্ষরবৃত্তের চেয়ে ক্রত হয়ে থাকে।

উদাহরণ-

এইখানে তোর | দাদির কবর | ডালিম-গাছের | তলে || (৬+৬+৬+২)

তিরিশ বছর | ভিজায়ে রেখেছি | দুই নয়নের | জলে || (৬+৬+৬+২)

বিশ্লেষণঃ কবিতাটির মূল পর্ব ৬ মাত্রার। প্রতি চরণে তিনটি ৬ মাত্রার পূর্ণ পর্ব এবং একটি ২ মাত্রার অপূর্ণ পর্ব আছে।

এখন মাত্রা গণনা করলে দেখা যাচ্ছে, প্রথম চরণের-

প্রথম পর্ব- এইখানে তোর; এ+ই+খা+নে = ৪ মাত্রা (প্রতিটি অক্ষরের শেষে স্বরধ্বনি থাকায় প্রতিটি ১ মাত্রা); তোর = ২ মাত্রা (অক্ষরের শেষে ব্যঞ্জনধ্বনি থাকায় ২ মাত্রা)

দ্বিতীয় পর্ব- দাদির কবর; দা+দির = ১+২ = ৩ মাত্রা; ক+বর = ১+২ = ৩ মাত্রা

তৃতীয় পর্ব- ডালিম-গাছের; ডা+লিম = ১+২ = ৩ মাত্রা; গা+ছের = ১+২ = ৩ মাত্রা

চতুর্থ পর্ব- তলে; ত+লে = ১+১ = ২ মাত্রা

অক্ষরবৃত্ত হ্রস্ব :

বৈশিষ্ট্যঃ

- u মূল পর্ব ৮ বা ১০ মাত্রার হয়
- u অক্ষরের শেষে স্বরধ্বনি থাকলে ১ মাত্রা গুনতে হয়
- u অক্ষরের শেষে ব্যঞ্জনধ্বনি আছে, এমন অক্ষর শব্দের শেষে থাকলে ২ মাত্রা হয় ; শব্দের শুরুতে বা মাঝে থাকলে ১ মাত্রা হয়
- u কোন শব্দ এক অক্ষরের হলে, এবং সেই অক্ষরের শেষে ব্যঞ্জনধ্বনি থাকলে, সেই অক্ষরটির মাত্রা ২ হয়

ii কোন সমানবন্ধ পদের শুরুতে যদি এমন অক্ষর থাকে , যার শেষে ব্যঞ্জনধ্বনি আছে , তবে সেই অক্ষরের
মাত্রা ১ না ২ হতে পারে :

iii কবিতা আবৃত্তির গতি ধীর হয়

উদাহরণ-

হে কবি, নীরব কেন | ফাগুন যে এসেছে ধরায় || (৮+১০)

বসন্তে বরিয়া তুমি | লবে না কি তব বন্দনায় || (৮+১০)

কহিল সে স্নিগ্ধ আঁধি তুলি- || (১০)

দক্ষিণ দুয়ার গেছে খুলি? || (১০)

(তাহারাই পড়ে মনে; সুকিয়া কামাল)

কবিতাটির মূল পর্ব ৮ ও ১০ মাত্রার। স্তবক দুইটি পর্বের হলেও এক পর্বেরও স্তবক আছে।

এখন, মাত্রা গণনা করলে দেখা যায়, প্রথম চরণের,

প্রথম পর্ব- হে কবি, নীরব কেন; হে কবি- হে+ক+বি = ৩ মাত্রা (তিনটি অক্ষরের প্রতিটির শেষে স্বরধ্বনি থাকায়

প্রতিটি ১ মাত্রা) ; নীরব- নী+রব = ১+২ = ৩ মাত্রা (শব্দের শেষের অক্ষরের শেষে ব্যঞ্জনধ্বনি থাকায় সেটি ২

মাত্রা); কেন- কে+ন = ১+১ = ২ মাত্রা; মোট ৮ মাত্রা

আবার দ্বিতীয় চরণের,

দ্বিতীয় পর্ব- লবে না কি তব বন্দনায় ; লবে- ল+বে = ২ মাত্রা ; না কি তব = না+কি+ত+ব = ৪ মাত্রা ; বন্দনায়-

বন+দ+নায় = ১+১+২ = ৪ মাত্রা (বন- অক্ষরের শেষে ব্যঞ্জনধ্বনি থাকলেও অক্ষরটি শব্দের শেষে না থাকায় এর

মাত্রা ১ হবে; আবার নায়- অক্ষরের শেষে ব্যঞ্জনধ্বনি- য থাকায় , এবং অক্ষরটি শব্দের শেষে থাকায় এর মাত্রা

হবে ২); মোট ১০ মাত্রা

এরকম-

আসি তবে | ধন্যবাদ || (৪+৪)

না না সে কি, | প্রচুর খেয়েছি || (৪+৬)

আপ্যাদন সমাদর | যতটা পেয়েছি || (৮+৬)

ধারণাই ছিলো না আমার- || (১০)

ধন্যবাদ। || (৪)

(ধন্যবাদ; আহসান হাবীব)

অক্ষরবৃত্ত ছন্দের রূপভেদ বা প্রকারভেদ : অক্ষরবৃত্ত ছন্দের আবার অনেকগুলো রূপভেদ বা প্রকার আছে- পয়ার ,

মহাপয়ার, ত্রিপদী, চৌপদী, দিগম্বর, একাবলী, সনেট ও অমিত্রাক্ষর ছন্দ। এগুলোর মধ্যে সবচেয়ে গুরুত্বপূর্ণ

সনেট ও অমিত্রাক্ষর ছন্দ। নিচে এগুলোর সংক্ষিপ্ত বর্ণনা দেয়া হল-

সনেট :

বৈশিষ্ট্যঃ

i বাংলা ভাষায় প্রথম সনেট রচনা করেন- মাইকেল মধুসূদন দত্ত।

ii বাংলায় উল্লেখযোগ্য সনেট রচয়িতা- মাইকেল মধুসূদন দত্ত , রবীন্দ্রনাথ ঠাকুর , জীবনানন্দ দাশ , প্রমথ

চৌধুরী, মোহিতলাল মজুমদার, অক্ষয়কুমার বড়াল, ফররুখ আহমদ, কামিনী রায়, প্রমুখ।

- ii ১৪ বা ১৮ মাত্রার চরণ হয়।
 - ii দুই স্তবকে ১৪টি চরণ থাকে।
 - ii সাধারণত দুই স্তবকে যথাক্রমে ৮টি ও ৬টি চরণ থাকে (চরণ বিন্যাসে ব্যতিক্রম থাকতে পারে)
 - ii প্রথম আটটি চরণের স্তবককে অষ্টক ও শেষ ৬টি চরণের স্তবককে ষটক বলে।
 - ii এছাড়া সনেটের অন্ত্যমিল ও ভাবের মিল আছে এমন চারটি চরণকে একত্রে চৌপদী , তিনটি পদকে ত্রিপদীকা বলে।
 - ii নির্দিষ্ট নিয়মে অন্ত্যমিল থাকে।
 - ii দুইটি স্তবকে যথাক্রমে ভাবের বিকাশ ও পরিণতি থাকতে হয় ; ব্যাপারটাকে সহজে ব্যাখ্যা করতে গেলে তা অনেকটা এভাবে বলা যায়- প্রথম স্তবকে কোন সমস্যা বা ভাবের কথা বলা হয় , আর দ্বিতীয় স্তবকে সেই সমস্যার সমাধান বা পরিণতি বর্ণনা করা হয়।
 - ii সনেটের ভাষা মার্জিত এবং ভাব গভীর ও গভীর হতে হয়।
 - ii সনেট মূলত ৩ প্রকার- পেত্রার্কীয় সনেট , শেক্সপীয়রীয় সনেট ও ফরাসি সনেট ; এই ৩ রীতির সনেটের প্রধান পার্থক্য অন্ত্যমিলে।
- এছাড়া ভাব, বিষয় ও স্তবকের বিভাজনেও কিছু পার্থক্য আছে (তা ব্যাকরণের হৃদ প্রকরণের আলোচ্য নয়)।
- নিচে ৩ প্রকার সনেটের অন্ত্যমিলের পার্থক্য দেখান হল-

পেত্রার্কীয় রীতি	ক+খ+খ+ক ক+খ+খ+ক	গ+ঘ+গ+ঘ	চ+ছ+জ চ+ছ+জ
শেক্সপীয়রীয় রীতি	ক+খ+ক+খ	গ+ঘ+গ+ঘ	চ+ছ+চ+ছ
ফরাসি রীতি	ক+খ+খ+ক ক+খ+খ+ক		গ+গ চ+ছ+চ+ছ

উদাহরণ-

হে বঙ্গ, ভাঙারে তব | বিবিধ রতন;- || (চ+৬) ক
 তা সবে, (অবোধ আমি) | অবহেলা করি, || (চ+৬) খ
 পর-ধন-লোভে মত্ত, | করিনু ভ্রমণ || (চ+৬) ক
 পরদেশে, ভিক্ষাবৃষ্টি | কুম্ভণে আচরি : || (চ+৬) খ অষ্টক
 কাটাইনু বহু দিন | সুখ পরিহরি : || (চ+৬) খ
 অনিদ্রায়, অনাহারে | সঁপি কায়, মনঃ, || (চ+৬) ক
 মজিনু বিফল তপে | অবরণ্যে বরি;- || (চ+৬) খ
 কেলিনু শৈবালে, ভুলি | কমল-কানন : || (চ+৬) ক
 স্বপ্নে তব কুললক্ষ্মী | কয়ে দিলা পরে,- || (চ+৬) গ
 ওরে বাহা, মাতৃকোষে | রতনের রাজি ||, (চ+৬) ঘ
 এ ভিখারী-দশা তবে | কেন তোর আজি? || (চ+৬) ঘ ষটক
 যা ফিরি, অজ্ঞান তুই, | যা রে ফিরি ঘরে : || (চ+৬) গ
 পালিলাম আত্মা সুখে; | পাইলাম কালে || (চ+৬) ঙ
 মাতৃভাষা-রূপ খনি, | পূর্ণ মণিজালে : || (চ+৬) ঙ
 (বঙ্গভাষা; মাইকেল মধুসূদন দত্ত)

কবিতাটিতে দুই স্তবকে যথাক্রমে ৮ ও ৬ চরণ নিয়ে মোট ১৪টি চরণ আছে। প্রতিটি চরণে ৮ ও ৬ মাত্রার দুই পর্ব মিলে মোট ১৪ মাত্রা আছে।

অমিত্রাক্ষর ছন্দ :

বৈশিষ্ট্যঃ

- u বাংলা ভাষায় অমিত্রাক্ষর ছন্দ প্রবর্তন করেন- মাইকেল মধুসূদন দত্ত
- u অমিত্রাক্ষর ছন্দের প্রধান বৈশিষ্ট্য ভাবের প্রবহমানতা ; অর্থাৎ, এই ছন্দে ভাব চরণ-অনুসারী নয় , কবিকে একটি চরণে একটি নির্দিষ্ট ভাব প্রকাশ করতেই হবে- তা নয় , বরং ভাব এক চরণ থেকে আরেক চরণে প্রবহমান এবং চরণের মাঝেও বাক্য শেষ হতে পারে
- u বিরামচিহ্নের স্বাধীনতা বা যেখানে যেই বিরামচিহ্ন প্রয়োজন, তা ব্যবহার করা এই ছন্দের একটি বৈশিষ্ট্য
- u অমিত্রাক্ষর ছন্দে অন্ত্যমিল থাকে না, বা চরণের শেষে কোন মিত্রাক্ষর বা মিল থাকে না
- u মিল না থাকলেও এই ছন্দে প্রতি চরণে মাত্রা সংখ্যা নির্দিষ্ট (সাধারণত ১৪) এবং পর্বেও মাত্রা সংখ্যা নির্দিষ্ট (সাধারণত ৮+৬)

উদাহরণ-

তথা

জাগে রথ, রথী, গজ, | অশ্ব, পদাতিক || (৮+৬)

অগণ্য। দেখিলা রাজা | নগর বাহিরে, || (৮+৬)

রিপুবন্দ, বালিবন্দ | সিন্ধুতীরে যথা, || (৮+৬)

নক্ষত্র-মণ্ডল কিংবা | আকাশ-মণ্ডলে, || (৮+৬)

(মেঘনাদবধকাব্য; মাইকেল মধুসূদন দত্ত)

এখানে কোন চরণের শেষেই অন্ত্যমিল নেই। আবার প্রথম বাক্যটি চরণের শেষে সমাপ্ত না হয়ে প্রবাহিত হয়ে একটি চরণের শুরুতেই সমাপ্ত হয়েছে (তথা জাগে রথ , রথী, গজ, অশ্ব, পদাতিক অগণ্য)। এই অন্ত্যমিল না থাকা এবং ভাবের বা বাক্যের প্রবহমানতাই অমিত্রাক্ষর ছন্দের প্রধান দুইটি বৈশিষ্ট্য।

গদ্যছন্দ :

বৈশিষ্ট্যঃ

- u এই ছন্দে বাংলায় প্রথম যারা কবিতা লিখেছিলেন তাদের অন্যতম- রবীন্দ্রনাথ ঠাকুর
- u মূলত ফরাসি বিপ্লবের পরবর্তী শিল্পমুক্তির আন্দোলনের ফসল হিসেবে এর জন্ম
- u গদ্য ছন্দ সম্পর্কে রবীন্দ্রনাথ বলেছেন- গদ্যের মধ্যে যখন পদ্যের রঙ ধরানো হয় তখন গদ্যকবিতার জন্ম হয়
- u পর্বগুলো নানা মাত্রার হয়, সাধারণত পর্ব-দৈর্ঘ্যে কোন ধরনের সমতা বা মিল থাকে না
- u পদ ও চরণ যতি দ্বারা নির্ধারিত হয় না, বরং বিরাম চিহ্ন বা ছেদ চিহ্ন দ্বারা নির্ধারিত হয়; এই বিরাম চিহ্ন বা ছেদ চিহ্ন উচ্চারণের সুবিধার্থে নয়, বরং অর্থ প্রকাশের সুবিধার্থে ব্যবহৃত হয়
- u গদ্যকবিতা গদ্যে লেখা হলেও তা পড়ার সময় এক ধরনের ছন্দ বা সুরের আভাস পাওয়া যায়।
- u গদ্যকবিতা গদ্যে লেখা হলেও এর পদবিন্যাস কিছুটা নিয়ন্ত্রিত ও পুনর্বিন্যাসিত হতে হয়।